

ным роком права учиниты, ино нам и намесникомъ нашимъ децкіе даваты. А вина которая будетъ осужена, ино намъ тую вину господарю своему заплатитъ, а в люды намъ боярскіе не уступоватысе, а воеводу нашему Полоцкому мещанъ одному не судиты, -- судиты ему з бояры, з мещаны, а черезъ паруку в нетво не сажаты; а по муце веры не искаты, а холопу и робе веры не няты. А в подводы намъ коней в полочан не браты ни в посельскихъ путниковъ, ни в сябровъ городзкихъ; также з боярскихъ и з мещанскихъ селъ людей не надобе ни на какую службу тягнуты и нашимъ князимъ дворомъ. А старыхъ судовъ намъ не посужываты, ани своихъ судовъ судывшы не росужываты; а в zostаву намъ бояръ и мещанъ Полоцкихъ и посельскихъ путниковъ не посылаты; а заставъ намъ в Полтеискъ некоторыхъ Полочаномъ николи не даваты безъ ихъ воли, а з нами имъ быты готовымъ на войну; а по влосты нашей воеводе (?) нашему не ездити, а поедетъ ли коли в ловы ино по станомъ не дороваты; а станелитя у которого полочанина татба а до ишчутлися татбы ино господарю отдаты, а чего не достанетъ ино татыя выдаты, а бояръ гнаты зо старой пошлине. Также *важнмцу* в замку, або в месте нашемъ Полоцкомъ, которую перво того держали бояре посполу з мещаны за предковъ нашихъ за деда нашего Казимера короля, его милосты, а потомъ зъ тоежъ важницы дядя нашъ Александръ, король его милость плату былъ взялъ ку скарбу его милосты, ино король его милосты старшы панъ а отецъ нашъ за се тую вагу и плату з нее бояромъ и мещаномъ дати рачилъ, а такъ и мы, з ласки нашей, при той важницы ихъ заховываемъ. Мають они на поты по давному, подле уставы предковъ нашихъ, ейе меты, то ест, маючы, в кажды годъ держаты по два боярыны, а по два мещанины и плату з нее выбераты свою половину мають обернути на свое потребности. Такъ тежъ которые дома и местца церквомъ Божымъ наданы здавна отъ предковъ нашихъ, або владыки чигумена и инне князи и